



10. oktober 2019

UKA 2019/139
Siverth K. Heilmann

Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaanni nr. 27, 18. november 2010-meersumi § 3, imm. 2 naapertorlugu nalunaarusiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarutip minnerpaamik imarissavai atorfiup illersugaanera aammalu katsorsartittut pisinnaatitaaffii pillugit aalajangersakkat. Soqutigisaqartut attuumassuteqartut nalunaarutip imarisasaanik suliaqarnermi akuutinneqassapput.

(Inatsisartunut ilaasortaq Aqqa Samuelsen, Inuit Ataqatigiit)

Atassummiit pingaartittuaannarparput inuit timikkut tarnikkullu peqqissuunissaat. Tamannalu kialluunniit aamma assortorsinnaagunangilaa. Assortorusunnigilarpullu sapinngisamik pitsaanerpaamik innuttaasut ikiorserneqartarnissaat oqaloqateqarsinnaanissaallu. Kiisalu tarnip pissusaanik ilinniarsimasut taamatuttaaq naapertuuttumik atugaqartinneqarnissaat allatuulli illersorneqarsinnaanissaat pisariaqarluni.

Isumaqataalluinnarpugullu inuk timikkut tarnikkullu peqqissoq imminut napatissinnaasoq, inuiaqatigiinnilu suleqataalluurtuulluni. Sulilu pitsaasumik nunatsinni ineriartortuassagutta, nuanniitsunik aqquusaagaqarsimasut aamma tapersorsorluarneqartariaqarput, ikiortariaappatalu pisussaaqataavugut iliuuseqarnissatsinnut.

Naak siunnersuutip tunngaviatigut inatsisitigut ajornartorsiutitaqartarsimaneranik pissuteqarnerisq ilisimanngikkaluarlutigu, arlaatigulluunniit misigisaqapiluttoqartarsimanersq tusarsimanngikkaluarlugu, siunnersuut pitsaasumik tunngaveqarnera paasilluarparput.

Atassummiit siunnersuut toqqaannartumik itigartinngikkaluarlugu, paaseqqaarusupparput inatsisitigut aporfik qanoq annertutiginersq, qanorpiarlu aaqqiinikkut naapertuunnerusumik atugaqartitsisinnaanissaq angusinnaaneripput. Taamaattumik Naalakkersuisut allannguutissatut siunnersuutaat akuerseqataaffigerusupparput, ilaqutariinnermut peqqissutsimullu ataatsimiititaliamut innersuullugu.